

Esikoulu oon sinun lapsele

ESITE ESIKOULUN OPETUSPLAANISTA



Skolverket



Sie olet tärkeä

Sie olet lähimpänä sinun lasta. Sen takia sinun mielipitteet oon tärkeitä esikoulussa. Jos sie sanot mitä mieltä sie olet, pärsunaalila oon helpompi antaa sinun lapsele juuri sitä mitä se tarttee. Ennenkö saatat olla matkassa vaikuttamassa, sinun tarttee tietää miten esikoulun pittää toimia.

Samoja tavoitteita kohi

Hallitus oon lyöny lukhuun opetusplaenin jossa kirjojethaan esikoulun arvopohjasta ja kans mitä tavoitteita ja tehtäviä esikoulula oon. Lukemalla esikoulun opetusplaenin, sie saat tietää mitä sie voit oottaa ja vaatia esikoululta.

Oon olemassa kunnalisia esikouluja ja vaphaita esikouluja. Kunnalisista esikouluista vastaa poliittisesti valittu lautakunta. Vapaa-esikouluitten vastuu oon niitten johtokunnala. Kaikki esikoulut häätyvät seurata opetusplaania.

Usseimiten esikouhluun kuuluvat 1–6 vuotihaat lapset. Kaikila 3–6-vuotisilla lapsila oon oikeus ilmasheen esikouhluun 525 tiimaa vuessa.

» Esikoulussa lapsitten pittää kohata raahvaita jotka ottavat jokhaisen lapsen maholisuuat huomihoon.«

ESIKOULUN OPETUSPLAANISTA, LPFÖ 98 (KORJATTU 2010)



Askel kerralhaan elämänpituessa oppimisessa

Esikoulun pohja pittää olla temokraattinen. Isoksi osaki se oon kyse siittä ette pärsu-naali luopi avomen ja temokraattisen ilmapiirin jossa jokhainen lapsi tuntee oman ja muitten arvon.

Esikoulun toiminan petakokiikka pittää olla semmonen ette huolto, hoitaminen, kasva-tus ja opettaminen muo´ostavat kokohnaisuuen. Se tarkottaa ette esikoulu ensikäessä oon sinun lapsen vuoksi, vaikka sen pittää kans antaa sulle maholisueen opiskella eli olla töissä.



Opetusplaanissa on ette leikki on tärkeä lapsen kehitykselle ja oppimiselle. Pärsunaalin pittää ottaa huomioon lapsen omat mielipitteet, intressit ja kokemukset ko jokapäivästä työtä planerathan. Lapsitten pittää saa kokkeila eri sortin ilmasuja, niin yksin ko muitten kansa, esimerkiksi laulun ja musiikin, kuvitten, tansin, draaman, puhumisen ja kirjottamisen kautta.

Lapsen pittää saa mahdollisuuden kehittää omaa kulttuuri-identiteettiä. Lapsitten kieli-kehitys on tärkeä ala esikoulussa. Esikoulun pittää myötävaikuttaa siihen ette lapset joilla on joku muu äitinkieli ko ruotti, saavat mahdollisuuden kehittää niin ruottin kieltä ko omaa äitinkieltä.

Esikoulun pittää vastustaa perinteisiä sukupuolimyösteriä ja sukupuolirollia. Kaikile tyttärille ja poile pittää antaa samat mahdollisuudet kehittyä ilman rajoituksia.



Joka esikoulu oon ainutlaatunen

Opetusplaenin pittää varmistaa ette kaikki lapset saavat yhtä hyvän esikoulun, huolimatta siitä missä het asuvat. Ko kaikki esikoulut seuraavat sammaa opetusplaa-
nia, niillä oon kans samat tavotheet. Siinä miten työ tehään saattaa kyllä olla eroja.
Se mikä passaa yhele esikoulule, ei piia in toimi toisela. Toiminan pittää anpassata
lapsitten mukhaan.

Kunnala eli vapaakoulun johtokunnala oon viiminen vastuu esikoulusta. Saatat kääntyä
sinne, jos tullee prupleemia joita sie ja pärsunaali eli esikoulun johtaja itte että saata
selvittää.

» Esikoulun pittää inspireerata lapsia tutkimhaan lähiympäristöä.«

ESIKOULUN OPETUSPLAANISTA, LPFÖ 98 (KORJATTU 2010)






Yhteistyötä kotitten kans

Opetusplaanissa on ette esikoulun toiminta pittää tapahtua lähheisessä ja luottamukselisessa yhteistyössä kotitten kans. Sen takia onki tärkeä ette sie puhut pärsunaalin kans jos sie mietit jotaki asiaa. Hyvä tilasuus siihen on ko nouat eli jätät lapsen. Sillon pärsunaalin pittää selittää sulle minkälainen päivä sinun lapsela on ollu. Sie saatat kans kertoa jos on tapahtunnu jotaki erikoista josta pärsunaalila on hyvä tietää.

Pärsunaali pittää oornata kehityskeskusteluja jossa tet keskusteleitta siitä mitenkä sinun lapsi triivastuu ja kehittyj ja mitenkä esikoulu toimii. Opetusplaani pittää olla tuki tälle keskustelule.

» Esikoulun pittää olla hauska, turvalinen ja opettava kaikile lapsile jokka on myötä.«

ESIKOULUN OPETUSPLAANISTA, LPFÖ 98 (KORJATTU 2010)





Halvatkos lukea koko opetusplaanin?

Opetusplaani oon kaikila esikouluila. Sie saatat tilata eli hakea sen omhaan taattorhiin Koululaitoksen webbpaikalta www.skolverket.se.

ISBN 978-91-87115-15-8

Grafisk form: AB Typoform

Omslagsfoto: Maskot

Foto inlaga: s 2 NordicPhotos, s 3 Kzenon/Shutterstock,

s 4 Yulya Shilova/Shutterstock, s 5 Michael McLain, s 6 NordicPhotos

Skolverket 2011

Skolverket